



Na osnovu članova 25. i 74. Statuta Općine Centar Sarajevo - prečišćen tekst („Službene novine Kantona Sarajevo", broj 23/04), člana 4. Pravilnika o kriterijima za dodjelu sredstava organizacijama u sportu sa ciljem provođenja javnog interesa Općine Centar Sarajevo u oblasti vrhunskog sporta, broj 13-11-6790/25 od 1.12.2025. godine i Odluke o pokretanju postupka raspisivanja i provođenja Javnog poziva, broj: 13-11-6790/25 od 01.12.2025. godine, Općinski načelnik objavljuje

Javni poziv za dodjelu sredstava organizacijama u oblasti vrhunskog sporta

I OPIS PROGRAMA

U cilju afirmacije vrhunskog sporta i postizanja vrhunskih rezultata organizacija u sportu koje su registrovane na području općine Centar Sarajevo, ovim programom nastoji se pružiti podrška na način da će se finansirati/sufinansirati njihovi programi/projekti.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOGU OSTVARITI:

Organizacije u sportu - klub, sportsko društvo, sportski savez definisani Zakonom o sportu Kantona Sarajevo, koji ispunjavaju opće i posebne kriterije navedene u ovom Javnom pozivu, a čiji program/projekat za cilj ima postizanje vrhunskih rezultata u tekućoj kalendarskoj godini.

Opći kriteriji:

- a) programski ciljevi usklađeni sa javnim interesom Općine u oblasti sporta;
- b) imaju registrovano sjedište na području Općine;
- c) nemaju dugovanja po osnovu poreza i doprinosa za zaposlene;
- d) aktivan račun u banci;
- e) obezbijeđeni tehnički i ljudski resursi;
- f) član su strukovnog saveza i nemaju dugovanja prema istom;
- g) nastupaju na zvaničnim takmičenjima saveza i ispred saveza na zvaničnim međunarodnim takmičenjima;
- h) nisu bile obuhvaćene suspenzijom najmanje godinu dana do dana objavljivanja Javnog poziva;
- i) da se pripremaju za odlazak i nastup takmičara/ekipa seniorskog nivoa na takmičenja iz tačke IV stav (6) Javnog poziva, da učestvuju ili organizuju takmičenja;
- j) imaju registrovane članove.

Posebni kriteriji - prijedlozi programa/projekata treba da sadrže:

- a) Jasno naznačenu ciljnu grupu i očekivane rezultate, aktivnosti usmjerene na pripremu i takmičenje sportista s ciljem afirmacije vrhunskog sporta, sa specifikacijom troškova u skladu sa tačkom IV stav (2) Javnog poziva;
- b) Opis tradicije Organizacije u sportu - historijat;
- c) Kratak opis Organizacije sa podacima o prethodno realizovanim projektima i kvalifikaciji kadrova koji implementiraju program/projekat (odgovorne osobe, saradnici, volonteri);
- d) Značaj programa/projekta za Općinu;

- e) Vrsta planiranih aktivnosti i mjesto njihovog održavanja;
- f) Planirani metod rada i očekivani rezultati;
- g) Predviđeni broj učesnika i njihova starosna dob;
- h) Aktivnosti koje promovišu takmičarski sportski duh i fair play u oblasti sporta;
- i) Informaciju da li se program/projekat kojim se aplicira za finansiranje/sufinansiranje odnosi na pojedinačni (individualni) ili timski (kolektivni) sport.

III TRAJANJE JAVNOG POZIVA

Javni poziv se objavljuje na web stranici Općine, i ostaje otvoren 15 (petnaest) dana od dana objavljivanja.

Zahtjev za ostvarivanje prava podnosi se na propisanom obrascu koji je sastavni dio Javnog poziva, u roku i na način predviđen ovim Javnim pozivom.

IV TROŠKOVI KOJI ĆE SE FINANSIRATI I IZNOS SREDSTAVA

(1) Za ovu namjenu Općina Centar Sarajevo planirala je sredstva u Budžetu Općine Centar za 2025. godinu u ukupnom iznosu od 300.000,00 KM.

(2) U skladu sa Pravilnikom, sredstva za finansiranje/sufinansiranje programa/projekata u oblasti vrhunskog sporta u tekućoj kalendarskoj godini će se dodijeljivati za:

- a) održavanje sportskog terena ili sportskog borilišta (isključuje nabavku mehanizacije);
- b) odlazak na takmičenja sportskih ekipa i pratećeg osoblja (putni troškovi – prijevoz, ishrana, smještaj);
- c) troškove priprema za takmičenja;
- d) troškove administrativnog osoblja i administrativnih usluga;
- e) nabavka sportske opreme čija pojedinačna vrijednost ne prelazi 1.000,00 KM;
- f) ostali troškovi koji su neophodni za rad organizacije u sportu (režijski troškovi i slično).

(3) Od ukupno dodijeljenih sredstava iz Budžeta Općine, maksimalno 20% se može koristiti za pokrivanje troškova iz stava (2) tačka d).

(4) Od ukupno dodijeljenih sredstava iz Budžeta Općine maksimalno 10% se može koristiti za pokrivanje troškova iz stava (2) tačka f).

(5) Sredstva za finansiranje/sufinansiranje programa/projekata dodijeljivat će se i za aktivnosti koju su realizovane i provedene prije objavljivanja Javnog poziva, u tekućoj kalendarskoj godini.

(6) Na Javni poziv se mogu prijaviti organizacije u sportu za odlazak i nastup takmičara/ekipa seniorskog nivoa, na slijedećim takmičenjima:

- a) Olimpijske i paraolimpijske igre;
- b) Svjetska takmičenja;
- c) Evropska takmičenja;
- d) Balkanska/regionalna takmičenjima;
- e) Državna takmičenja.

(7) Na Javni poziv se može prijaviti organizacija u sportu koja prema programu/projektu planira zvaničnu organizaciju evropskog ili svjetskog takmičenja na području Općine.

(8) Pravo učešća na Javnom pozivu nije dopušteno organizacijama u sportu koje, do dana raspisivanja Javnog poziva, nisu u potpunosti izvršile pravdanje utroška za prethodno dodijeljena sredstva iz Budžeta za ovu namjenu, i koje ne izmiruju redovno obaveze prema pravnim licima čiji je osnivač Općina, a što se utvrđuje uvidom u evidencije nadležne Službe za obrazovanje, društvene djelatnosti, kulturu i sport.

(9) Ukupan iznos sredstava za finansiranje/sufinansiranje programa/projekata raspoređuje se prema kategorijama:

- 90.000,00 KM za pojedinačni (individualni) sport, i
- 210.000,00 KM za timski (kolektivni) sport.

(10) Sredstva će se dodijeljivati jednom u toku kalendarske godine.

Minimalni iznos koji može ostvariti jedna Organizacija u sportu – podnosilac prijave, iznosi 1.000,00 KM.

Maksimalni iznos koji može ostvariti jedna Organizacija u sportu – podnosilac prijave iznosi 33% od ukupnog iznosa sredstava utvrđenih za realizaciju Javnog poziva.

V POTREBNA DOKUMENTACIJA:

(1) Za prijavu na Javni poziv potrebno je priložiti sljedeće dokumente:

- a) Obrazac prijave na Javni poziv sa obrascem projektnog prijedloga, koji će se objavljivati uz tekst Javnog poziva kao zaseban dokument (treba biti ispunjen, potpisan i ovjeren pečatom osobe ovlaštene za zastupanje);
- b) Aktuelni izvod iz Registra nadležnog organa u kojem je registrovan podnosilac prijave, iz kojeg je vidljivo da ima registrovano sjedište na području općine Centar (ne stariji od tri mjeseca od dana objavljivanja Javnog poziva);
- c) Uvjerenje o izmirenim poreskim obavezama i doprinosima za zaposlene ili sporazum o odgođenom plaćanju ili plaćanju u ratama dužnih javnih prihoda (ne stariji od tri mjeseca od dana objavljivanja Javnog poziva);
- d) Potvrda iz poslovne banke da račun nije blokiran, iz koje se vidi broj transakcijskog računa (ne stariji od mjesec dana od dana objavljivanja Javnog poziva);
- e) Izjava, potpisana i ovjerena kod nadležnog organa, kojom podnosilac prijave potvrđuje:
 - da ima obezbijeđene tehničke uslove i ljudske resurse za realizaciju planirane aktivnosti (potrebno je da sadrži i mjesto održavanja planiranih aktivnosti);
 - broj članova organizacije u sportu;
 - da se priprema za odlazak i nastup takmičara/ekipa seniorskog nivoa na takmičenja iz tačke IV stav (6) ovog Javnog poziva;
- f) Potvrda strukovnog saveza (kantonalni, federalni ili državni), ne starija od tri mjeseca od dana objavljivanja Javnog poziva, koja treba da sadrži podatke da podnosilac prijave:
 - jeste član saveza;
 - redovno izmiruje obaveze prema savezu;
 - nastupa na zvaničnim takmičenjima saveza i ispred saveza na zvaničnim međunarodnim takmičenjima;
 - nije bio obuhvaćen suspenzijom najmanje godinu dana do dana objavljivanja Javnog poziva;
 - jeste učestvovao i/ili postigao rezultate na takmičenjima u posljednjoj takmičarskoj sezoni, odnosno učestvovao u organizaciji domaćih ili međunarodnih takmičenja u tekućoj godini ili Izjava na vlastitom memorandumu da podnosilac prijave nije učestvovao na takmičenjima, odnosno u organizaciji domaćih ili međunarodnih takmičenja (potpisana i ovjerena pečatom osobe ovlaštene za zastupanje).

(2) Dokumentacija iz stava (1) podnosi se u originalu ili ovjerenoj kopiji ne starijoj od 6 mjeseci, osim ako nije drugačije utvrđeno.

VI NAČIN DODJELE NOVČANIH SREDSTAVA

Za analizu, obradu i vrednovanje pristiglih programa/projekata formirat će se Komisija za obradu i analizu pristiglih prijava na Javni poziv za dodjelu sredstava organizacijama u oblasti vrhunskog sporta, iz reda državnih službenika (u daljem tekstu: Komisija). Komisija će izvršiti analizu, obradu i vrednovanje kriterija prema zaprimljenim prijavama i predložiti iznos za dodjeljivanje sredstava, samo ukoliko su zadovoljeni opći i posebni kriteriji Javnog poziva. Prijave kandidata koje ne ispunjavaju uslove navedene u općim i posebnim kriterijima iz Javnog poziva, neće biti uzete u razmatranje.

Nakon analize, obrade i vrednovanja pristiglih prijava, Komisija sačinjava Preliminarnu listu potpuno analiziranih pristiglih prijava, koja sadrži:

- a) Preliminarnu rang listu organizacija u sportu koje ispunjavaju sve uslove navedene u općim i posebnim kriterijima iz Javnog poziva, sa utvrđenim brojem ostvarenih bodova ;
 - b) Listu organizacija u sportu koje ne ispunjavaju uslove navedene u općim i posebnim kriterijima iz Javnog poziva,
- i koja se objavljuje na službenoj web stranici Općine.

Podnosilac prijave može podnijeti prigovor lično na protokol ili putem pošte na adresu Općina Centar Sarajevo u roku od sedam (7) dana od dana objavljivanja Preliminarne liste potpuno analiziranih pristiglih prijava, i to na listu na kojoj se nalazi. Pristigle prigovore će razmatrati Komisija, koja će u roku od tri (3) dana od dana ulaganja prigovora odlučiti o istom. Nakon donošenja odluka po prigovorima, donosi se konačna Odluka o dodjeli sredstava koja se

objavljuje na službenoj web stranici Općine, nakon čega će Općinski načelnik sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Svaki član Komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VII NAČIN PODNOŠENJA ZAHTEVA

(1) Prijave na Javni poziv podnose se lično na protokol ili putem preporučene pošte na adresu Općina Centar Sarajevo, Služba za obrazovanje, društvene djelatnosti, kulturu i sport, Mis Irbina 1, 71000 Sarajevo, u zatvorenoj koverti sa naznakom punog naziva Javnog poziva za koji se prijavljuje – „Javni poziv za dodjelu sredstava organizacijama u oblasti vrhunskog sporta“.

(2) Obrazac prijave na Javni poziv se smatra sastavnom dokumentacijom Javnog poziva, te prijave na Javni poziv neće biti uzete u razmatranje i dalju analizu bez adekvatno popunjenog obrasca. Obrazac prijave na Javni poziv će se nalaziti uz tekst Javnog poziva, na službenoj stranici Općine Centar Sarajevo (www.centar.ba).

(3) Sve stranice, kao i početnu stranicu Obrasca za prijavu na Javni poziv je potrebno numerisati i ovjeriti pečatom Organizacije u sportu. Redni broj stranice originalnog ili ovjerenog dokumenta koji se prilažu uz Obrazac moguće je i ručno navesti i ovjeriti pečatom Organizacije u sportu.

(4) Sva potrebna dokumentacija kojom se dokazuje ispunjenje kriterija za finasiranje/sufinansiranje programa, projekata mora biti originalna ili ovjerena kopija, ne starija od 6 mjeseci, odnosno ukoliko drugačije nije navedeno Javnim pozivom.

(5) Neblagovremene i nepotpune prijave neće biti uzeti u razmatranje. Pristigla dokumentacija se ne vraća podnosiocima prijave nakon završenog Javnog poziva.

Organizacije u sportu koje se prijavljuju na Javni poziv mogu aplicirati samo sa jednim programom/projektom.

Za sve dodatne informacije korisnici mogu pozvati broj telefona 033/562-474 ili poslati upit na mail: sport@centar.ba

Javni poziv se objavljuje na web stranici Općine Centar Sarajevo i ostaje otvoren 15 (petnaest) dana od dana objavljivanja.

OPŠTINSKI NAČELNIK

Srđan Mandić

Broj: 13-11-6790/25
Sarajevo, 2.12.2025. godine